

NvK an Abt und Konvent des Prämonstratenserklusters Wilten. Da in der Vergangenheit verschiedene Bücher, Reliquien, Kleinodien und andere Besitztümer des Klosters Wilten verliehen und nicht zurückgegeben worden seien, befiehlt er ihnen, künftig derartige Gegenstände nur noch gegen einen entsprechenden Pfand zu verleihen.

Or., Perg. (Siegel an Hanfschnur): WILTEN, StA, Lade 86 B. Schreiber: Peter von Erkelenz.

Kopie: WILTEN, StA, Chronik Daniels p. 378; (Adalbert Tschaveller, ca. 1730): INNSBRUCK, Museum Ferdinandum, Dip. 1005 (BT 778) p. 347.

Nicolaus miseracione divina tituli sancti Petri ad vincula sacrosancte Romane ecclesie presbiter cardinalis, episcopus Brixinensis, venerabili nobis in Christo dilecto abbati ac religiosis fratribus monasterii Wiltinensis ordinis Premonstratensis, nostre diocesis, salutem in domino sempiternam. Cum est pastoralis officio, cui licet immeriti
 5 presidemus, id nobis cure sciamus incumbere, ne clenodia, libri et res alie monasteriorum nostre diocesis, maxime a predecessibus nostris fundatorum, negligenter alienentur aut deperdantur. Ad nostramque fidedignorum relacione devenerit noticiam, quod retroactis temporibus diversi libri, reliquie, clenodia et res alie monasterii vestri Wiltinensis deperdita sint ex eo, quod predecessores vestri libros, reliquias, clenodia et
 10 res huiusmodi diversis personis ecclesiasticis et secularibus inconsulte absque reposicione condigni pignoris accommodarunt et concesserunt, qui talia sibi concessa restituere neglexerunt. Ne autem similia decetero contingant, vobis, abbati et fratribus predictis ac successoribus vestris, in virtute sancte obediencie et sub excommunicationis pena districte precipiendo, mandamus, quatenus deinceps libros, reliquias
 15 et clenodia monasterii vestri nemini, cuiuscumque gradus, status vel condicionis fuerit, extra septa monasterii deportandos concedatis aut accommodetis, nisi talis pignus equivalens medio tempore reponat. Datum Brixine sub nostro sigillo die nona mensis maii anno a nativitate domini millesimo quadringentesimo quinquagesimo septimo pontificatus sanctissimi in Christo patris et domini nostri, domini Calisti
 20 divina providencia pape tercii anno tercio.